

富平縣志

一
函
十
冊
函

富平縣志稿卷四

經政

今邑宰視古侯國志乘之書卽國史也凡一邑之政事利弊如水利田賦倉儲驛鋪營汛屯衛稅課差徭鹽法保甲理宜備書俾後之爲政者有所準繩焉

水利

關中土脈高燥而渭河以北尤甚鄭白渠成爲秦人開萬世利而必有河渠因勢以導是溝洫之急宜講求也頻陽迤北多山而少水僅石川漆沮縈繞其閒原籍源流支分縷晰農田賴以潑灌遠村高原無所仰賴至濬河旁比流

富平縣志稿卷四
一
潦壅溢卽成澤國蓋農疲而惰若疏導得宜潦可分泄旱
可引漑利孰溥焉去急患保永利是隄防之不可不講也
通支渠分宣泄是溝瀆之不可不講也夫舉縣之地奚啻
如此而已哉務疆畔修填淤爲急務矣

田賦

民生敦龐土田是急五穀所宜麥豆秫稷載在職方縣境
川原交錯民戶十餘萬丁土雜五色墳衍磽瘠之地十一
雨暘時若比戶豐登納粟公家惟恐後時長養子孫爲安
足之氓乃一有水旱則菜色滿野流亡載途地方官爲賑
卹不敷則請之大憲達諸

九重發帑金以拯救農夫納賦較之古之公田尤爲簡易且視其地肥磽以定額焉故蕭何入關先收簿籍耶律文正諫元太祖以留民墾田歲入千萬可見田賦爲國家大經邦以民爲本民以食爲天食有餘則國富強此歲收田賦之故事也

墾荒

關中自明季張李之亂流寇巢於北山富邑適當門戶生計衰微民物凋敝至此已亟我

朝承平二百餘年休養生息物產豐盈戶口繁盛同治初年猝遭回捻各逆焚戮人民逃亡田土荒廢疊經各大府飭

屬招徠墾闢漸有起色凡開荒以三年升科以示體卹茲就光緒六年起至十三年止著錄規模俾知各大憲愛民之苦心令君之撫綏不易也

倉儲

民之貧由於不耕不耕則無業無蓄積無業無蓄積則游惰游惰之民迫之以飢寒則作奸犯科無所不至矣此獄訟之所以繁興也富平經兵燹災荒之後地廣人稀非無可耕之地也其地又非不可耕之土也自秦漢迄唐渭河南北耕屯常爲天下最卽詳觀地形察視土脈訪問農圃土膏沾潤豐歲畝收數石其所不講求墾治者由於無溝

渠以洩之無隄防以衛之苟能開溝築隄歲歲有秋則中
人之家歲餘糧十餘石十年可得百石積累倉儲以備凶
荒縱有偏災亦不爲害無如小民偷安旦夕既不勤於溝
堤雖比歲豐收又不力爲節儲故一遇水旱啼飢立見僅
仰官中倉儲苟延旦夕溝壑不免可勝慨哉

驛鋪

驛鋪之設雖便於官實所以便民驛馬鋪遞雜差公文通
達消息或盜賊饑饉可以先事預防或直使過境或大員
有所施設可以朝夕得達而下情不致壅滯故云爲便民
之要且以養貧而安閭閻明季盜賊之起由於裁撤驛站

不可收拾我

朝革其涸弊存其簡要留爲永久規模宏遠誠至善之政也

營汛

設官以治民設兵以衛民官居城郭耳目不能徧給乃分營中弁兵各立塘汛保護行旅稽查奸宄法至周密十里五里墩堠相望果能實力講求盜賊何由而興乃行之旣久營弁視爲具文習於偷惰文武旣不相統攝每遇劫竊則互相推諉欲其振刷豈可得哉

屯衛

古有屯田之政設立衛所別於齊民今則徒有其名所謂

屯衛者亦農夫耳至於何者爲屯何者爲衛官亦難於講
晰又何責於農焉無田不稅無農不耕無兵不戰不戰之
時而用之惟屯田是故兵所以衛民賦所以養兵屯田
兵形習民勞上收養兵之實下不致有賦民之害其制特
與井田相表裡焉井田寓兵於農也屯衛寓農於兵也平
居資守望之助振旅應車徒之選歷代相承法最近古在
今日論屯政其弊已極苟不詳求其端則叢奸集姦蕩滌
爲難耳衛士疲而招募興有土著流寓之別輕重一失其
衡經國者可不深思歟

稅課

古云列國關市譏征卽今各郡邑之課稅也取土產食貨
交易之畸零以補公家之不足商旅無擾而民亦無困弊
習久相忘厥後徇捻交訐團練經費無出則各就地設視
其物產量爲補苴此麻稅之所由興也然不過籌畫一時
之權宜乃吏胥據爲利藪不肯裁革遂致訟牘屢興具控
大府始去其弊而民間已受其累矣

差徭

郡縣之有徭役視之若病民而實便民也凡大差過境地
方官供應車馬則仰給於民間有車馬之家則中戶不得
安矣於是紳民議立差徭凡有車馬者各出差徭錢存之

局中候雜差過境局董則以所存之錢雇覓車馬以備時
需今日不聞吏捉人者賴有此耳

鹽法

理財足用無過於田賦此外以鹽爲最經國諸臣爲救時
良策籌通久之謀禹貢青州首鹽周官鹽人掌鹽之政令
鹽筴征自管子煮海有禁漢武官鬻鹽唐劉晏上鹽法輕
重之宜明初則有額引竈丁各名目是鹽禁愈嚴而奸弊
益甚矣唐之黃巢王仙芝元之張士誠皆販鹽者繼則爲
大盜矣是則縱不敢禁之亦不敢矣必折衷以求至當籌
國者當有所深思矣

宣之縣志卷四
三
保甲

鄉村市鎮互相聯絡可以清內姦可以禦外侮此古人守望相助之良法也然必官紳爲之選擇爲之董率舉甲長保正以領一方之事愚民俾有遵循諸務無慮廢弛令長發號小民承應如臂引手如手指掌條而不紊合一邑爲一家矣政令所至無所違忒作法周備愼密誠良規也十室之邑必有忠信擇其善者而從之虛實必有辨矣

經政志

富國經邦首先農事不失天時制宜因地溝洫流通
創爲水利田賦倉儲永贍不匱雜稅差徭保甲屯衛
營汛驛鋪各從其類綱舉條列無所譴諉民鮮游惰
地乏荒棄鹽法攸關毋滋民累票引所行不厭詳記
存之簡冊實資吏治備書所知作經政志

水利

溫泉河渠自縣西鄉溫泉村發源

懷德渠自縣西鄉齊堡村引灌起至縣東鄉南陽村止長二

十五里灌田一十五頃

舊志灌田一千五百四十畝

順城渠自縣西鄉齊堡村引灌起至縣北門外止長五里灌

田二頃二十畝

舊志灌田一百五十畝

玉帶渠自縣北門外引灌起至縣東陳家馬道止長一里灌

田一頃五十畝

舊志與順城渠牽混

倒迴渠自縣北鄉魏村常家廟引灌起至縣東龍王廟南岸

止長一里灌田三頃

舊志灌田一百五十畝

圃田渠自縣東北鄉華家堡南引水至上官村灌田起至北

里村止長九里灌田一十四頃

宏濟渠自縣東鄉南陽村引灌起至定國寺止長三里灌田

一頃

直城渠自縣西鄉神下村引灌起至齊堡村止長半里灌田

四十畝

曲頤陽河渠自縣西鄉神下村發源舊志列入溫泉河灌田二百二十畝

以上七渠皆引溫泉河水

趙氏河渠自縣西鄉盤龍灣起

金定渠自縣西鄉盤龍灣引水至堡裏堡灌田起至南鄉東

渠止長二十里灌田一十頃

廣惠渠自縣西鄉盤龍灣引水至教場堡灌田起至南鄉小

牛村止長二十里灌田一十二頃

此渠淤塞已久由邑侯樊捐廉疏濬

漆沮河渠自縣西北鄉岔口起

文昌渠自縣西鄉許家橋引灌起至懷陽城止長三十五里

灌田三十五頃

舊志灌田一千五百餘畝

實惠渠自縣西鄉侯馬灘引灌起至莊裏鎮北門外止長二

十里灌田二十二頃

舊志灌田四百餘畝

東永濟渠自縣西鄉奧家灘引灌起至莊裏鎮止長一十五

里灌田一十八頃二十畝

舊志灌田五百二十畝

東永興渠自縣西鄉檀山寺引灌起至南牛村止長一十里

灌田一十頃

舊志灌田四百餘畝

廣濟渠自縣西鄉張家灘引灌起至西磴頭毛吳村止長五

里灌田二十頃

廣澤渠自縣西鄉李家灘引灌起至西磴頭金台堡止長五

里灌田二頃

舊志灌田一百畝

永長渠自縣西鄉別李灘引灌起至董閭白三堡止長一十

五里灌田七頃

舊志永昌渠灌田三百畝

湓水渠自縣西鄉別家灘引灌起至澗裡西劉堡止長五里

灌田五頃

石水渠自縣西鄉西磴頭引灌起至科子頭師家堡止長一

十里灌田一十頃

千年渠自縣西鄉別家灘引灌起至東濟橋下入河止長三

十里灌田三頃五十畝

永潤渠自縣西鄉駱村後郭家灘引灌起至南湖止長三十

里灌田一十頃

以上十一渠皆引漆沮東濱水

偃武渠自縣西北鄉耀州梁家泉引灌起至嶺南趙家堡止

長三里灌田三頃三十畝

舊志灌田一百三十畝

中渠自縣西北鄉鄉岔口引灌起至周家坡止長五里灌田

三頃

舊志灌田一千畝

小白馬渠自縣西北鄉岔口引灌起至縣西鄉陵李溝止長

一十五里灌田一十七頃

舊志灌田一千畝

大白馬渠自縣西北鄉岔口引灌起至縣西鄉上官村止長

二十里灌田三十頃